

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
রাজস্ব ভবন, সেগুনবাগিচা, ঢাকা।

স্মারক নং-১(১৬)এনবিআর/শুল্ক-৪/৯৩(অংশ-১)/২৩৬৬

তারিখ ১৭.১২.১৯৯৭

বিষয়: সম্পূর্ণ রপ্তানিমুখী প্যাকেজিং ও প্লাস্টিক শিল্প প্রতিষ্ঠানসমূহ কর্তৃক বন্ড সুবিধার আওতায় কাঁচামাল আমদানির বিষয়ে ০৯.১২.১৯৯৭ তারিখে অনুষ্ঠিত সভার কার্যবিবরণী।

সম্পূর্ণ রপ্তানিমুখী প্যাকেজিং ও প্লাস্টিক শিল্প প্রতিষ্ঠানসমূহ কর্তৃক বন্ড সুবিধার আওতায় কাঁচামাল আমদানির ক্ষেত্রে জাতীয় রাজস্ব বোর্ড সম্প্রতি যে সব আদেশ জারী করেছে তার পরিপ্রেক্ষিতে এফবিসিসিআই, বিজিএমইএ, বাংলাদেশ করোগেটেড কার্টন ম্যানুফ্যাকচারার্স এসোসিয়েশন এবং বাংলাদেশ পেপার এন্ড বোর্ড মিলস এসোসিয়েশন কর্তৃক উত্থাপিত বিষয়াদি সম্পর্কে আলোচনার জন্য ০৯.১২.১৯৯৭ তারিখ সকাল ৯টা ১৫ মিনিটে জাতীয় রাজস্ব বোর্ডের সম্মেলক কক্ষে একটি সভা অনুষ্ঠিত হয়। জাতীয় রাজস্ব বোর্ডের সদস্য (শুল্ক রপ্তানি, বন্ড ও অডিট) জনাব মাহবুবুর রহমান উক্ত সভায় সভাপতিত্ব করেন। সভায় জাতীয় রাজস্ব বোর্ডের সংশ্লিষ্ট কর্মকর্তাগণ এবং উপরোল্লিখিত সমিতি/চেম্বারসমূহের প্রতিনিধিবৃন্দ উপস্থিত ছিলেন (সংলাগ-ক)।

০২। সভাপতি মহোদয় উপস্থিত কর্মকর্তাবৃন্দ ও প্রতিনিধিদেরকে স্বাগত জানিয়ে এবং সভা আহ্বানের প্রেক্ষাপট ব্যাখ্যা করে আলোচ্য বিষয়ে সুষ্ঠু সমাধান বের করার লক্ষ্যে সকলের সহযোগিতা কামনা করেন।

০৩। জাতীয় রাজস্ব বোর্ডের প্রথম সচি (শুল্ক রপ্তানি ও বন্ড) সভার আলোচ্য বিষয়সমূহের প্রতি দৃষ্টি আকর্ষণপূর্বক এর পটভূমি ব্যাখ্যা করেন।

০৪। আলোচ্য বিষয়ের উপর বিস্তারিত আলোচনার পর নিম্নে উল্লিখিত সিদ্ধান্তসমূহ গৃহীত হয়:

- (১) ৩০০ জিএসএম এবং তার অধিক পুরুত্বের ডুপ্লেক্স বোর্ড ও কার্ড বোর্ড বন্ডেড ওয়্যারহাউস লাইসেন্স সুবিধার আওতায় সাধারণভাবে আমদানি করা যাবে;
- (২) ৩০০ জিএসএম এবং তার কম পুরুত্বের ডুপ্লেক্স বোর্ড ও কার্ড বোর্ড নিম্নের শর্তাদি পূরণপূর্বক বন্ডেড ওয়্যারহাউস লাইসেন্সের আওতায় আমদানি করা যাবে:

- ক) একজন বন্ড লাইসেন্সধারী প্যাকেজ উৎপাদনকারী ৩০০ জিএসএম এবং তার কম পুরত্বের ডুপ্লেক্স বোর্ড ও কার্ড বোর্ড প্রথম চালানের ২০ সাইজের এক কন্টেইনার আমদানি করতে পারবেন;
- খ) উল্লিখিত এক কন্টেইনার কাঁচামাল থেকে উপরোল্লিখিত পন্য রপ্তানির পর যদি আরও এক কন্টেইনার আমদানি করতে চান তবে সেক্ষেত্রে পূর্বে আমদানিকৃত ডুপ্লেক্স বোর্ড/কার্ড বোর্ড রপ্তানির স্বপক্ষে সংশ্লিষ্ট লিয়োন ব্যাংক কর্তৃক প্রদত্ত প্রেসিড রিয়ালাইজেশন সার্টিফিকেট এবং বাংলাদেশ কার্টন ম্যানুফ্যাকচারার্স এসোসিয়েশন এবং বি. জি.এম. ই এ কর্তৃক প্রদত্ত অনাপত্তি/সুপারিশ পত্র সংশ্লিষ্ট কমিশনার অব কাস্টমস এর নিকট দাখিল করতে হবে এবং এভাবে পূর্বের এক কন্টেইনার দ্বারা তৈরী পণ্য রপ্তানির বিষয়ে পিআরসি সহ বাংলাদেশ করোগেটেড কার্টন ম্যানুফ্যাকচারার্স ও বি.জি.এম.ই.এ এর সুপারিশের ভিত্তিতে পরবর্তী এক কন্টেইনার আমদানি করা যাবে।
- (৩) বন্ড ব্যবস্থায় আমদানি ও খালাসকৃত পেপার ও পেপার বোর্ড শুক্কায়নের ক্ষেত্রে বাংলাদেশ পেপার বোর্ড মিলস এসোসিয়েশন ও বাংলাদেশ করোগেটেড কার্টন ম্যানুফ্যাকচারার্স এসোসিয়েশন উভয়ের প্রতিনিধি পণ্য পরীক্ষাকালে কাস্টমস পয়েন্টে উপস্থিত থাকতে পারবেন। তবে কোউ উপস্থিত না থাকলে তাদের উপস্থিতি ছাড়াই পণ্য পরীক্ষণ, শুক্কায়ন ও খালাস করা যাবে।
- (৪) সম্পূর্ণ রপ্তানিমুখী কার্টন ম্যানুফ্যাকচারার্স শিল্প প্রতিষ্ঠানের অনুকূলে ইউপি আপাতত পূর্বের ন্যায় শুক্ক কর্তৃপক্ষই ইস্যু করবেন। ফলে বিজিএমইএ ও বাংলাদেশ করোগেটেড কার্টন ম্যানুফ্যাকচারার্স এসোসিয়েশন কর্তৃক গঠিত এক্সপোর্ট কমিটি কর্তৃক ইউটিলাইজেশন পারমিশন ইস্যুর আইনগত ও বাস্তব দি জাতীয় রাজস্ব বোর্ড পরীক্ষা করে দেখবে এবং আইনানুগ হলে দায়িত্ব গ্রহণে তাদের প্রস্তুতি সাপেক্ষে তাদেরকে ইউডি প্রদানের দায়িত্ব প্রদান করা হবে।
- (৫) প্যাকেজিং ও প্লাস্টিক শিল্প খাতের বন্ডেড ওয়্যারহাউস লাইসেন্সের আওতায় আর্ট পেপার ও স্টিকার পেপার আমদানির সুযোগ প্রদান করা হবে না।

- (৬) বাংলাদেশ করোগেটেড কার্টন ম্যানুফ্যাকচারার্স এসোসিয়েশন প্যাকেজিং শিল্প প্রতিষ্ঠানের জন্য প্রয়োজনীয় কাঁচামালের একটি তালিকা যথাশীঘ্র সম্ভব জাতীয় রাজস্ব বোর্ড বরাবর প্রেরণ করবে।
- (৭) সংশ্লিষ্ট সমিতির সদস্য সদস্য সনদপত্র এবং সুপারিশ ব্যতীত কোন শিল্প প্রতিষ্ঠানের অনুকূলে বন্ডেড ওয়ার হাউস লাইসেন্স ইস্যু/নবায়ন করা হবেনা।

০৫। সভাপতি মহোদয় উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-
(মো: মাহবুবুর রহমান)
সদস্য (শুক্ক: রণ্ডানি, বন্ড ও আইটি)